

ЎЗБЕКИСТОН РЕСПУБЛИКАСИ
ДАВЛАТ АКТИВЛАРИНИ БОШҚАРИШ АГЕНТЛИГИНИНГ
ЯГОНА АКЦИЯДОР (ИШТИРОКЧИ) ҚАРОРИДАН
КЎЧИРМА

2026-йил 9-июл

01/32-9.2/147-қр сон

Тошкент ш.

**“Кўприкқурилиш” АЖнинг 2024-йил ва 2025-йил молия-хўжалик
фаолияти натижалари тўғрисида**

Ўбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 58 -, 59 - моддалари, “Кўприкқурилиш” АЖ (кейинги ўринларда – **жамият**) кузатув кенгашининг 2025-йил 20-августдаги 2-2025-сон, 2025-йил 29-декабрдаги 3-2025-сон мажлисларида қабул қилинган қарорлари ва жамиятнинг 2026-йил 8-июндаги 351-сон ҳамда 2026-йил 3-июлдаги 417-сон мурожаатларига асосан ягона акциядор сифатида Давлат активларини бошқариш агентлиги **қарор қилади:**

1. Қуйидагилар:

а) жамиятнинг 2024-йил якуни бўйича молиявий кўрсаткичлари:
жами даромади, соф тушуми, давр харажатлари, соф фойдаси, дебиторлик қарзлари, жорий кредиторлик қарзлари;

б) жамиятнинг 2025-йил якуни бўйича молиявий кўрсаткичлари:
жами даромади, соф тушуми, давр харажатлари, соф фойдаси, дебиторлик қарздорликлари, жорий кредитор қарздорликлари;

д) жамиятнинг ижроия органи ва кузатув кенгаши тўғрисидаги низомлари ва янгиланган ташкилий тузилмаси лойиҳалари жамият кузатув кенгаши мажлисининг 2025-йил 29-декабрдаги 3-2025-сон баёнида маъқулланганлиги ва тасдиқлаш учун ягона акциядорга киритиш бўйича қарор қабул қилинганлиги;

э) жамиятнинг 2024-йил ва 2025-йил якунлари бўйича молиявий ҳисоботлари (МХХС бўйича) **ҳаққонийлиги** юзасидан “PERFECT-AUDIT” МЧЖ аудиторлик ташкилотининг ижобий хулосаси олинганлиги;

ф) “City Capital” МЧЖнинг хулосасига кўра, жамиятда корпоратив бошқарув тизими “қониқарли”га баҳоланганлиги;

г) Жамият кузатув кенгаши мажлисининг 2025-йил 20-августдаги 2-2025-сон баёни қарори билан жамиятнинг корпоратив бошқарув қоидалари, ижроия органи ва кузатув кенгаши тўғрисидаги низомлари маъқулланганлиги ва тасдиқлаш учун ягона акциядорга киритилганлиги;

х) жамият кузатув кенгашининг 2025-йил 29-декабрдаги мажлисида:

жамият бошқарув раиси (З.Махаматов)нинг жамиятнинг йил якунлари бўйича молия-хўжалик фаолияти якуни, жумладан бизнес-режа кўрсаткичлари бажарилиши ҳолати тўғрисидаги ҳисоботи маъқулланганлиги;
жамиятнинг 2024-йил молия-хўжалик фаолияти ва соф фойдаси тақсимооти бўйича таклиф киритилганлиги;

жамиятнинг ташкилий тузилмаси янги таҳрирда маъқулланганлиги;

жамият бошқарув раиси (З.Махаматов) билан тузилган меҳнат шартномасини узайтириш таклифи берилганлиги **маълумот учун қабул қилинсин.**

2. Жамият бошқарув раиси (З.Махаматов)нинг жамиятнинг 2024-2025-йиллар молия-хўжалик фаолияти якунлари бўйича ҳисоботи маълумот учун қабул қилинсин.

Жамият бошқарув раиси З.Махаматов билан тузилган меҳнат шартномаси муддати 2026-йил молия-хўжалик фаолияти якуни бўйича ягона акциядор қарори қабул қилингунга қадар узайтирилсин.

3. “2025-йил учун Ўзбекистон Республикасининг Давлат бюджети тўғрисида”ги Қонуннинг 12-моддаси ҳамда жамият кузатув кенгашининг 2025-йил 29-декабрдаги мажлиси қарорини инобатга олиб:

а) жамиятнинг **2024-йил якунлари** бўйича аудиторлик ташкилотининг хулосаси билан тасдиқланган **468 657,0 минг сўм** соф фойдаси қуйидагича тақсимлансин:

50,0 фоиз (234 328,5 минг сўм) оддий акциялар бўйича дивидендга;

5,0 фоиз (23 432,85 минг сўм) жамият захира фондига;

45,0 фоиз (210 895,65 минг сўм) кейинчалик жамият устав капиталига капитализатсия қилиш шарти билан жамият ишлаб чиқаришни ривожлантиришга йўналтирилсин.

б) жамиятнинг 2025-йил якунлари бўйича аудиторлик ташкилотининг хулосаси билан тасдиқланган **563 300,0 минг сўм** соф фойдаси қуйидагича тақсимлансин:

50,0 фоиз (281 650,0 минг сўм) оддий акциялар бўйича дивидендга;

5,0 фоиз (28 165,0 минг сўм) жамият захира фондига;

45,0 фоиз (253 485,0 минг сўм) кейинчалик жамият устав капиталига капитализатсия қилиш шарти билан жамият ишлаб чиқаришни ривожлантиришга ёналтирилсин.

4. “Кўприкқурилиш” АЖ томонидан давлат иштирокидаги корхоналар Корпоратив бошқарув қоидалари тавсияларига риоя этиш мажбурияти қабул қилинсин.

5. Жамият бошқарув раиси (З. Махаматов) жамиятнинг янги таҳрирдаги ташкилий тузилмаси Ўзбекистон Республикаси Президентининг 2025-йил 4-октабрдаги ПФ-178-сон Фармони ҳамда 18-ноябрдаги Ф-59-сон фармойиши талабларига мувофиқ ишлаб чиқилмаганлиги **қайд этилсин** ва ташкилий

тузилма қайта кўриб чиқилиб, ягона акциядор қарорини қабул қилиш учун белгиланган тартибда киритилсин.

6. “Кўприкқурилиш” АЖ кузатув кенгаши таркибига қуйидагилар 3 (уч) йил муддатга сайлансин:

Ҳидоят Шерзод Саиджонович – Қурилиш ва уй-жой коммунал хўжалиги вазири;

Чориев Жасурбек Эргашевич – Транспорт вазири ўринбосари;

Садуллаев Самандар Асадович – Иқтисодиёт ва молия вазири ўринбосари;

Якубов Нодирбек Гулмурадович – Давлат активлари агентлиги бошқарма бошлиғи ўринбосари;

Валиева Насиба Хадиятуллаевна – Бизнес ва тадбиркорлик олий мактаби катта ўқитувчиси (мустақил аъзо).

7. Жамият ва бошқарув органининг фаолияти самарадорлигини ошириш, манфаатлар тўқнашувининг олдини олиш мақсадида жамият томонидан ишлаб чиқилган қуйидаги ҳужжатлар тасдиқлансин:

“Кўприкқурилиш” АЖнинг кузатув кенгаши тўғрисидаги низоми **1-иловага** мувофиқ;

“Кўприкқурилиш” АЖнинг ижроия органи тўғрисидаги низоми **2-иловага** мувофиқ;

“Кўприкқурилиш” АЖнинг 2026-йил учун бизнес-режаси **3-иловага** мувофиқ тасдиқлансин.

8. Жамият бошқарув раиси З. Махаматов:

2024-2025-йиллар якунлари бўйича ҳисобланган дивидендни қонунчиликда белгиланган муддатдан кечиктирмай тўлаб берилишини;

жамиятнинг молия-хўжалик фаолиятини яхшилаш, 2026-йилга мўлжалланган бизнес-режа кўрсаткичларини ўз вақтида ва сифатли бажарилишини;

жамиятнинг молия-хўжалик фаолияти якуни, жумладан бизнес-режанинг асосий кўрсаткичлари бажарилиши ҳақидаги ҳисоботни ҳар чоракда жамият кузатув кенгашига тақдим этиб борилишини таъминласин.

9. Мазкур қарор ижросини назорат қилиш Давлат активларини бошқариш агентлиги директорининг биринчи ўринбосари Н.Хусанов зиммасига юклансин.